



Մ Ա Յ Ր Ա Թ Ո Ւ Ո Ւ Մ

Հուլիս 1-ին, ուրբաթ.— Առավոտյան ժամը 12-ին Մայր Տաճար այցելեց աշխարհի շախմատի կրկնակի ախույան Տիգրան Պետրոսյանը իր հարգելի տիկնոջ հետ։ Տ. Պետրոսյանին ընկերակցում էր ճարտարապետ Ռազմիկ Ալավերդյանը։ Այնուհետև Վեհափառ Հայրապետը Վեհարանում սիրով ընդունեց այցելութունը Տ. Պետրոսյանի և նրան ուղեկցող անձանց։

Վեհափառ Հայրապետի և Տ. Պետրոսյանի միջև տեղի ունեցավ ջերմ զրույց։



Հուլիս 1-ին, ուրբաթ.— Կեսօրից հետո, ժամը 3-ին, Մայր Տաճար այցելեց հյուրաբար Հայաստանում գտնվող Զեխոսլովակիայի կրոնից միեխտորը։

Հարգելի հյուրին ընկերակցում էին Մոսկվայից ՍՍՀ Մինիստրների սովետին առընթեր կրոնական գործերի խորհրդի նախագահի տեղակալ Մակարցևը, Հայկական ՍՍՀ Մինիստրների սովետին առընթեր հայ եկեղեցու գործերի խորհրդի նախագահ Կ. Դալլաբյանը։

Մեծահարգ հյուրը և նրան ընկերակցող անձինք Մայր Տաճարում և եկեղեցական գանձատանը լինելուց հետո այցելեցին Վեհափառ Հայրապետին Վեհարանում, ուր տեղի ունեցավ սիրալիր ջերմ զրույց։

Ժամը 4-ին հարգելի հյուրերի պատվին Վեհարանում տրվեց ճաշկերույթ, որն անցավ բարեկամական սիրալիր մթնոլորտում։ Հյուրերը հրաժեշտ առին Վեհափառ Հայրապետից լավագույն տպավորություններով։



Հուլիս 3-ին, կիրակի.— Մայր Տաճարում պատարագեց հոգ. Տ. Ներսես Ժ. վրդ. Պողոսյանը։

Ս. պատարագին ներկա էր Վեհափառ Հայրապետը։



Հուլիս 4-ին, երկուշաբթի.— Ժամը 4-ին Վեհարանում Վեհափառ Հայրապետի նախագահության տակ գումարվեց Մայր Աթոռին առընթեր ճարտարապետական հանձնաժողովի հերթական նիստը։

Ժամը 5-ին Վեհափառ Հայրապետը բարեհաճեց Վեհարանում իրեն սեղանակից դարձնել ճարտարապետական հանձնախմբի պատվական անգամներին։

Ճաշկերույթին ներկա էին նաև վերջերս սփյուռքից մայր հայրենիք ժամանած տեր և տիկին Բեգլար և Մարիցա Նավասարդյանները։



Հուլիս 10-ին, կիրակի.— Մայր Տաճարում պատարագեց հոգ. Տ. Արսեն վրդ. Բերբերյանը։

Ս. պատարագին ներկա էր Վեհափառ Հայրապետը։



Հուլիս 10-ին, կիրակի.— Երեանի Ս. Սարգիս եկեղեցում Արարատյան թեմի Առաջնորդական Փոխանորդ գեր. Տ. Վահան եպսկ. Տերյանը ձեռնադրեց երկու նորընծա քահանաների, որոնցից մեկը արժ. Տ. Հակոբ քահ. Գեբեքյանը Վեհափառ Հայրապետի կարգադրությամբ նշանակվեց քահանայադործելու Թբիլիսիի Ս. Գևորգ եկեղեցում, իսկ մյուսը արժ. Տ. Եղիշ քահ. Արրահամյանը՝ Բջնի գյուղաքաղաքում։



Հուլիս 17-ին, կիրակի.— Վարդավառ. Պայծառակերպութիւն Տեառն մերոյ Յիսուսի Քրիստոսի. Մայր Տաճարում մատուցվեց հանդիսավոր ս. ոլասուրագ. պատարագեց և բարոդեց վրահայոց առաջնորդ գեր. Տ. Կոմիտաս եպսկ. Ստեփանյանը Մեր ի լերինն ալլակերպեալ ցուցեր զԱստուածային բո

դօրութիւնդ. դքեզ փառավորեմ իմանալի լոյս» բնաբանով:

Ս. պատարագին ներկա էր Վեհափառ Հայրապետը:

Հուլիս 18-ին, երկուշաբթի.— Յիշատակ մեռելոց. Մայր տաճարում պատարագեց արժ. Տ. Նշան քահ. Բեյլերյանը:

Հավարտ ս. պատարագի կատարվեց հոգեհանգիստ «Վասն համօրէն ննջեցելոց»:



Հուլիս 20-ին, չորեքշաբթի.— Վեհափառ Հայրապետը մեկ ամսվա արձակուրդով մեկնեց Զեխոսլովակիա «Կարլովի Վարի»-ի հանգստարանը:

Վեհափառ Հայրապետին ընկերակցում էր հոգ. Տ. Ներսես Ժ. վրդ. Պողոսյանը:



Հուլիս 24-ին, կիրակի.— Մայր Տաճարում պատարագեց հոգ. Տ. Գրիգոր վրդ. Նդիա-յանը:



Հուլիս 31-ին, կիրակի.— Մայր Տաճարում պատարագեց արժ. Տ. Հակոբ քահ. Հակոբ-յանը:

ՀԱՆԿԻՍՏ ԱՐԺԱՆԱՊԱՏԻՎ ՏԵՐ ԿԱՐԱՊԵՏ ՔԱՀԱՆԱ ՀԱԿՈԲՅԱՆԻ
(1882—1966)

Վերջերս երկարատև հիվանդութունից հետո ի տեր հանգյալ արժ. Տ. Կարապետ քահ. Հակոբյանը 84 տարեկան հասակում:

Հանգուցյալը ծնվել էր 1882 թ. Ռոստովի շրջանի Մյասնիկյանի մարզի Նիովիթա դուղում: Սովորել է տեղի ժխական դպրոցում և այնուհետև շուրջ 20 տարի պաշտոնավարել է տեղի հայոց եկեղեցում: 1955 թվին ձեռ-

նադրվել է քահանա և պաշտոնավարել Ռոստովի շրջանի Թոփրի դուղի հայոց Ս. Փրկիչ եկեղեցում:

Հանգուցյալի վերջին օժումը կատարել է արժ. Տ. Մկրտիչ ավագ քահ. Զորչոփյանը, իսկ դամբանականը խոսել է արժ. Տ. Հակոբ քահ. Տեր-Հակոբյանը:

Հանգիստ իր ոսկորներին:





ՂԱՆԹՈՒԱՅԻ Ս. ԳՐԻԳՈՐ ԼՈՒՍԱՎՈՐԻԶ ԵԿԵՂԵՑԻՆ